



UNIVERSITÄTS-
BIBLIOTHEK
PADERBORN

**R. P. Christiani Mayer E Societate Iesv, Diarivm
Meditationvm, De Præcipvis Vitæ Christi mysteriis**

Mayer, Christian

Coloniæ Agrippinæ, 1635

47. De Actibus Humilitatis internis, externisq[ue] perfectè exercendis

[urn:nbn:de:hbz:466:1-60091](https://nbn-resolving.org/urn:nbn:de:hbz:466:1-60091)

penetrarunt hanc abyssum illuminatissimi Sancti, quanto profundius singularis illa aquila Virgo beata, quanto diuinius tam humilis Virginis humilimus Filius infra omnes se humiliās, infinito interuallo omnibus charismatum prærogatiuis vniuersos supergrediens? Tu quoque si hanc abyssum intueberis, infra omnes etiam abiectissimos & peruersissimos te, quantiscunq; sis ornatus donis nature & gratiæ, facile deprimes. His ponderatis elicienda desideria infra omnes se humiliandi iuxta tertium gradum humilitatis.

LVII. *De actibus humilitatis internis, externisque perfectè exercendis:*

I. **E**Xpende quomodo actus interni triplices (qui sunt; vilem se reputare; vilem reputari velle; pessimum omnium se æstimare, æstimariq; velle) perfectè sint eliciendi, nimirum 1. *Latè* circa omnia obiecta, occasiones, modosq; humilitatis exercēde; quoad intellectum & affectum se vilem & contemptibilem quoad omnia, omnibus donis nature & gratiæ indignum, absque Deo nihil esse, posse, facere agnoscendo, & sentiendo: se nullo honore, fauore, sed omni potius con-

tempri

tempus & opprobrium, ob tot peccata sua dignum reputando: talemque haberi & tractari ab omnibus, si sine offensa Dei fieri posset, desiderando: Nulla omnino bona naturæ & gratiæ sibi, sed Deo in solidum ascribendo, nulli ob ea se præferendo, sed se abiectissimum & vilissimum omnium, secundum id, quod ex se habet, reputando, seque talem reputari optando. 2. *Purè* ob unicum Dei honorem, amorem, beneplacitum, non ob vllum alium finem, & respectum ordinatum. 3. *Intensè* omni possibili conatu intellectus & voluntatis. 4. *Constantè* inter quasuis exaltationis & depressionis, consolationis & desolationis, pacis & belli vicissitudines. 5. *Insatiabiliter* quoad inexplabilem maiorem humiliationis sui, & exaltationis Dei appetitum. Quàm crebrò, quam facili negotio, quantumcum merito possent sic, nunc hi, nunc illi, nunc omnes simul interni humilitatis actus in meditatione, aliasq; cū Diuina gratia frequentari! His expensis eliciendi hi tres affectus, aut aliqui eorū prolixius, iuxta exemplar positū in Enchiridio Industrialium c. 7. §. 3.

II. Quo pacto externi actus similiter triplices, his internis correspondentes

Iii 7

fiat.

sint valdè meritoricè exercendi. videlicet 1. Discretè verbo, ipsoque modestè loquendi modo, multoque magis factò ipso vilem de seipso existimationè prodendo, nihil ad laudè sui proferendo, officia humilia libenter amplectendo, vltroque petendo, speciosa vero refugiendo, ægreque oblata admittendo. 2. æquo hilarique animo, blando ore, serena fronte ferendo admonitiones, reprehensiones, exprobrationes, irrisiones, aculeata & iniuriosa verba, non se temerè excusando, arguentes non redarguendo, non similia diæteria regerendo; Item simili mentis, oris & frontis serenitate ferre se ab alijs postponi, ad nihil idoneū iudicari, negligi, contemni, rideri. 3. Verbis & factis ipsis pro re nata declarando, quod se abiectissimū & pessimum dicto modo reputet, & reputari se optet, & gaudeat, soli que Deo quidquid boni habet insolidum cum omni honore & gloria ipsi soli debita transcribat: Atque hæc omnia faciendo non fucate, vt quis humilis appareat, sed sincere coram Deo, vt illi soli propter seipsum placeat; cū profunda ruminacione sui nihili & intima depressione sui, & magna cū constantia inter magnas etiam occur-
 ren-

rentes difficultatū & tentationū remoras tota vita, cū heroicis insuper desiderijs in pluribus, magisq̄ arduis, & perfecti^o se humiliādi. Feruor hos & similes actus eternos humilitatis perfectē frequētādi, iuxta modū insinuatū.

II I. Quam perfectē hos internos, externosque humilitatis actus frequētātarint maximi Sancti in oculis suis minimi: & supra omnes ancilla Domini humillima, à primo momento vsus rationis, paruula in domo paterna, in tēplo, de despōsatione Iosephi, in cōceptione Verbi incarnati, in visitatione Elisabethæ, in natiuitate, eblatione, persecutione, passione filij, tota vita, idq̄; intellectu, affectu, verbis, moribus factis ipsis: Quanto porro perfectius filius Dei eosdē tota vita continuerit, seipsum exinaniens, profundissimeq̄; qua homo se demittens, omnia humanitati suæ collata, charismata infinitæ liberalitati diuinæ accepta referens, idq̄; potissimum primo instanti Incarnationis in Virgineo vtero, natus in vili stabulo, exulans in Ægypto, fabrilē tot annis exercēs, pauperibus discipulis ministrans: pedes etiā Iudæ lauans, Barabbe se postponi, sperni, illudi, opprobrijs saturari, inter latrones crucifigi permittens? Zelus imitandi.